

حقوقي بيكسيلمجموعهسى

سَاحِبْ وَسَرْجَرْدِي : پارس حقوقي فاكولته نىي دوقورنى

آروقات ميلاسلى غادرانقور

هيئت تحريريه

موسيو آثيل مرستر : پارس حقوقي فاكولتهسى
مدرسلىرىدىن

موسيو شادغرەمە : پارس حقوقي فاكولتهسى
فخرى مدرسى

موسيو آ. سالام : حقوقي دول مجموعهسى
هيئت تحريريهسىدىن

باھر بك : احضار قوانين قومبسيونى اعضاسىدىن
محمد طلعت بك : آروقات

موسيو آ. پليورنى : پارس حقوقي فاكولتهسى
دوقورنى

فراد خاھمى بك : محكمە تميز اعضاسىدىن

صبرى بك : عدليه وكالتى حقوقي ايشلىرى مديرى

مصطفى رشيد بك : استانبول حقوقي فاكولتهسى
مدرسلىرىدىن

احمد رفيع بك : استانبول اجرا رئيسى

احمد صميم بك : استانبول حقوقي فاكولتهسى
مدرسلىرىدىن

موسيو شارل فروزا : استانبول حقوقي فاكولتهسى
مدرسلىرىدىن

آدرەس : غلطەدە بختيار خان آروقات ميلاسلى غادرانقو بلك بازارخانەسى

تلفون : بك اوغلى ۳۰۰۹

بهر نسخەك بدلى ۳۵ غروشدر

بر سنەك آونمانى پوستە اجرتيله برابر ۴۰۰ غروشدر

تور كيا خارجى ايچون ۵۰۰ غروشدر

كاغد جيلق ومطبعه جيلق آونيم شركتى — استانبول

۱۹۲۸

حقننده فائض جریان ایتمز . آلتون وکوش اشیانک معدن فیاتی ویرلدکجه صایلامامسی قطعیدر (ماده 128) .

صائیش پشین پاره ابله یابیلیر . فقط اجرا مأموری اعظمی یکر می کون مشتری به مهل ویره بیلیر که بوده قانونمزد بوقدر . ویره سیه صائیشده ثمن تماماً تسلیم ایدلدکجه مشتری به مال تسلیم اولونماز . ویرلن مهل ظرفنده ثمن ویرلنرزه اجرا دائره سی یکیدن مزایده یاپار . بومزایده بر درجه لیدر . یعنی ممتاز رهن حق مستثنا اولق اوزره هر قاج غروش ویریلیرسه مال صائیلیر . مستنکف مشتری وکفیل نقصان بدلدن و دیگر ضرردن مسئولدرلر ، فائض زیانی یوزده بش اوله رق حساب اولونور (ماده 129) .

(دیگر ضرر) قیدی مزایده مصرفی ، فائض زیانی یعنی تأخر فائضدر . مستنکف مشتری نیک فعلندن طولای آلاجلینک فائض غائب ایتمسه میدان براغلمادینی کبی بو . جینک ده بویوزدن ضرر کورمسی بومؤیده ابله منع ایدیلهرک لازمه عدالت ایفا واجرا مزایده لرینک جدیتی تأمین ایدلمشدر .

استانبول اجرا ریسی

ماکم ارغلی احمد رفیق

محرری : معام آووقات

باهرک

فانونه جزا

قباحتلرده اسناد قابلیت

آنیاً ایضاح ایدیله جکی وجهله کندیلرنده صراحة قصد اضرار آرالمق لازم کلین (جزا قانونی - ماده 45) قباحتلرده موجود اولان اھمال و تراخی یاخود اضرار قصد ضمیمی هپا حکام قانونیه ونظامیه به توفیق حرکت ایتمکده کوستریلن برتقصیر ویا قصوره مستند اولدینی شهبسزدر .

حقوق جزا نقطه نظرندن تقصیر ، قوانین ونظاماته رعایتسزک یاخود دقتسزک نتیجه سی اوله رق آخره بر ضرر ایرات ایتمک یاخود عامه نیک استراحتی اخلال ضمننده بر فعل ممنوع ایقاع الیمکدر .

تقصیرك جزالاندرلمسی حقنده مختلف نظریه لر سرد ایدلمشدر :

برنجی نظریه : بعض جزاجیلر ، تقصیرك جزائی استلزام ایتمه یوب تضمینات اعطاسنه بادی اوله جغنی وقباحته متعلق حکمرك جزا قانوننده بولونمسی موافق اولمادیغنی و بونلرك اولسه اولسه بورجلر قانوننده « شبه جرم مدنی » شكننده (بورجلر قانونی - ماده ۴۱) تنبیت ایدلك ممكن اوله جغنی و اسباب موجب اوله رق قباحترده فاعلك قصد اضرائی بولمادیغنی درمیان ایلکده درلر . بوفكر ومطالعہ بی تنقیداً دیگر مؤلفر ، قباحترك نادراً وقوعی تأمین و جزا تهدیدی آلتنده اوله رق افراد اھالیك قباحت فعلارینی ایشله ماملری خصوصنده دقتی تزید ایچون بوفعللرك جزالاندرلملرینی موافق کورمکده درلر . بورنجی نظریه ایلروده کورمکمز وجهله جزا قانونمزجه قبول ایدلمامشدر .

ایلمنی نظریه : عتیق و اوپرکتیف نظریه - اراده لك نقصانی - بو کون عمومیتله وحتی جزا قانونمزجه قبول ایدلمش اولان بو نظریه : تقصیری بصیرتسزلک و دقتسزلک و کوروله یلمسی ممکن اولان نتایجی اولدن کورمکسزین بر فعلی ایستهمکه و مراد ایلکده منجر اولان بر نقصان اراده تلقی ایتکده و « فعل بذاتها ارادی و نتیجہ لری اعتباری ایله غیر ارادیدر » دیدکدن سوکره قصد اضرائیله تقصیر آرمه سندہ کی فرقک برنجیده فاعلك بالذات و بالنتیجه مراد ایدلمسی وایکسجیده ایسه سوچدن تولد ایدمیله جک نتایج مضره آرزو ایدلمکسزین فعل ممنوعك مراد اولونمسندن عبارت اولدیغنی قبول ایلکده در .

بو نظریه یه کوره تقصیرك جزالاندرلمسی فعلدن حاصل اولان نتیجه یه کوره در . بالطبع بوراده تقصیرك درجه لری ایله حاصل اولان فرقلر خارجدر . [۱] مثلاً آوجینك آوه آندینی طرفده برکیمسه بولوبده آوجینك قورشونی اوکیمسه یه تصادف ایتمزایسه آوجی به برجزا و برلمز و « بوراده تشبث وارد و بناء علیه جزا و برلك مقتضیدر » ده نیلمز . چونکه اوکیمسه یه قارشو برضرر حاصل اولمامشدر . فقط آوجینك قورشونی اوکیمسه یی یاره لامش ایسه آوجی ، دقتسزلکی نتیجه سی اوله رق ایشله دیکی فعل مؤثردن دولایی

[۱] بورجلر قانونك ۲۶ نجی ماده سی تحلیل ایدایلرکن تقصیرك یعنی قصورك ؛ آغیر قصور ، خفیت قصور و بك خفیف قصوردن عبارت اولان اوج نوعی و بونلرك حقوقاً حاصل ایله دکاری تأثیرلر نظردن دور طوتملاز .

جزالانديريلور (جزاقانونى - ماده 550) وشايد آوجينك قورشونى اوكيمسەنى تولدیرمش ايسە خطاء قتل جزاسيله جزالانديريلور (جزا قانونى - ماده 455)

ارمېنى نظريه : ايتاليان مسلك جزايسسك سوېژه كتيّف يعنى مسؤليت اجتماعيه نظريه سى . بو مسلك مؤسسلردن موسيو فدررى ، تقصيرك جزالانديريلسى كيفيتده اراده نك تاثيرينه اعتراض ايتمش واراده نك آنحق ابتداء واقع اولان فعلده تجلى ايلديكى نتيجه فعلده هيچ بر دخلى بولونمادىغنى ومسؤليت جزائيه نك ابتداء واقع اولان فعلده ده كيل بلكه اولدن كوريله بيلمسى وتحرزى ممكن اولديغى ثابت اولان نتيجه ده بولنديغى سويلد كدن سو كرا سېا قانونك ياليسى امر ايدوب ده ياپيلمايان خصوصانده فاعلك يالكر نتيجه فعلى ايسته مامش اولديغى شويله دورسون حقى اونتيجه ني توليد ايدەن فعلى بيله ايسته مديكى حالده مسؤليت جزائيه سنى « اراده » سنده آرامق دوغرى اولامايه جغنى و بناء عليه بوباده كى مسؤليتك بر « مسؤليت اجتماعيه » اوله جغنى سرد ايلمكده در [1] .

الحاصل شو نظريه لردن ايكنجيسى نظره آله رق دييه بيليرزكه قباحث فعللرينك ، آنلرى ايشله ين كيمسەلره اسناد ايدلمسى ايچون بوكيمسەلرك نه صريح بر قصد اضرار ايله حركت ايلدكلرينى ونده فعلك نتيجه مضره سنى اولدن كورده مك خصوصنده يادقلرى قصورى آرامغه لزوم يوقدر . بوكيمسەلر حسن نيتلرينه رغماً دخى جزالانديريله بيله جكلرى كې جزادن قورتولمق ايچون نه قانونى يا خود قباحثي تشكيل ايدەن فعلى بيلمە دكلرينى ونه فعل واقى ايشلركن قانونه مخالف بر صورتده دكيل بلكه موافق بر شكلده حركت ايتدكلرى ظننده بولندقلرينى ونده قانون ونظام وامرنامه وتعليقاتنامە حكملرينه مخالفت ايتمكده اولدقلرينى اولدن آكلامق وتقدير ايتك ايچون بر عدم امكان حالنده بولندقلرينى ايلرو سوره مزلر . جزا قانونمز قباحث فعللرينى ايشله ين كيمسەلرى « وظيفه لرينك نەدن عبارت اولديغى او كرمكده كى اهماللىرى » كې نوعى شخصنه منحصر بر قصورلردن ، بر تقصيرلردن - يوقسه قصد اضرار ومختلف قصورلردن دولايى دكيل - ناشى جزالاندريرمقده در . ايشته اوچنچى شخصلرك ايلروده كوريله جكى وجهله ، قباحثي ايشله ين كيمسە ايله رلكده جزالانديريلسى دخى (جزا قانونى - ماده 60) وظائف اجتماعيه ني افاده

[1] بو نظريه . موسيو فدرينك شا كدرلردن اولوب بو بابه در اثر نشر ايدن موسيو Alfredo Angiolini طرفندن اوزون اوزايدى به تحليل ايدلمشدر .

کوسترلین « مجرمانه اہمال » فکرندن ملہمدر . در حال شونی علاوہ ایدہلم کہ جزا قانونمز قباحث فعلی ایشلہین بر کیمسہدہ « قصد اضرار » آرامدینی حالہ او کیمسہنک ارادہ صاحبی اولوب اولمیدینی تحری ایتکی امر ایلکدہ وبویلہ بر ارادہنک مفقودیتی ایلہ بر قباحث فعلی ایشلہندیکی ثابت اولمیدینی تقدیردہ اوقباحثک او کیمسہیہ اسناد ایدیلہ میہجکی تثبیت ایلکدہدر . (آشاغیدہ کی تفصیلاتہ باقیکنز) بناءً علیہ قانونک 45 نجی مادہ سنک ایکنجی فقرہ سندہ « قباحثردہ قصد ثابت اولماسہ بیلہ ہر کس کندی فعل ویا اہمالندن مسئول اولور » [1] دہ یلمسنہ نظراً قباحثردہ قصد اضرار ثابت اولسہ بویلہ بر قباحثک فاعلہ اسناد ایدلسنک اولویت ایلہ تحقق ایدہجکی و « فعل ویا اہمال واقعک » نہ ایچون یاسیلدینی آرامق لازم کلہدیکنی نظردن دور طوتامق اقتضا ایدہر . مثلاً بلارخصت شہر وقصبہ داخلندہ اسلحہ ممنوعہ [2] طاشیانلرک جزالاندیرملری (جزا قانونی - مادہ 546) بوقیلندہر .

45 نجی مادہ قانونیہدہ « قصد ثابت اولماسہ بیلہ » دہ نیلیور . بوندن آکلاشلدینغہ کورہ قباحثلرک موضوعی تشکیل ایدہن فعل ویا اہمال کیفیتلرندہ بذاتہا اولیلہ بر فعل ویا اہمالہ بولونمق نیقی موجوددر . فقط اوفعل ویا اہمالدن متولد نتایج مضمرہنی مراد ایتک بوقدر . ایشتہ اونک ایچوندر کہ واضع قانون ، اوفعل ویا اہمالہ بولونمق کیفیتندہ فاعلک ویا مسببک قصد اضرارینک ثبوتی فعلک اسنادی ایچون شرط اتخاذ ایتیمور و صوچک مادہ وقوع بولسنی کافی کورویور . مثلاً عمومی ویا عمومیہ آچیق محللردہ مشروبات و سائر مسکر موادی ندارک ایلہ برینک سر خوشلغہ سببیت و برہن شخصک (جزا قانونی - مادہ 574) وندیبرسزلک ویا دقتسزلک یا خود مسلک و صنعتدہ عجمیلک ویا نظامات و اوامر و تعلیماتہ رعایتسزلک ایلہ بر کیمسہنک ٹولومہ سببیت و برہن شوفور ، واطمان ، آرابہجی و حال کی کیمسہلرک (جزا قانونی - مادہ 45۵) یابدقلمری فعللرک نتیجہلرینی قصد ایدوب ایتدکلری آرائغہ لزوم کورولمکسزین حصولہ کلن ضرر مادی ایلہ اکتضا ایدیلہرک

[1] بو مادہ قانونیہ کورہ قباحثلرک اجرائی و اہالی دیو ایکیہ تفسیمی لازمدر . اجرائی قباحثلر ، قانونک یالنامسنی امر ایتدیکی خصوصاتک یالنامی صورتیلہ قباحث تشکیل ایدہن فعللردہر . اہالی قباحثلر ، قانونک یالنامسنی امر ایتدیکی خصوصاتک یالنامی صورتیلہ قباحث تشکیل ایدہن فعللردہر .

[2] اسلحہ ممنوعہنک نلردن عبارت اولدینی جزا قانونک 265 نجی مادہ سندہ تصریح ایدلشدہر .

جزالانديرلمش اولدقلرنده شبهه يوقدر. آنجق بوجهت شايان تنقيددر. چونكه غزته نك ابلك نسخه سنى مقام عايدنه توديع خصوصى غزته اداره خانه سى مأمورلردن برينه امر ايتديكى حالده اومأمورك بوأمرى ايفسا ايتمامسى حسيبله مدير مسئولك مطبوعات قانوننه كوره جزاء مسئول اولديغنى قبول ايلك دوغرى اولاماز.

بوتقصيلا نك اعطاسندن صوكره شونى ده علاوه ايدم بيليركه صوجلرده اسناد قابليتك برطرف ايدلمسى ويا تخفيف اولونمى ايچون جزا قانونمزجه موضوع عمومى قاعده لرك قباحتره دخى تشميل ايديله جك طرزده درپيش اولديغنى نظردن دور طوتماق لازمدر. بواعتبار ايله يانغيندن قورتولق ايچون چيلاق اوله رق سوقاغه فيرلايان بر كيمسه جزا قانوننك 576 نجى ماده سنه توفيقاً جزالانديريله ماز. كذلك قباحث نوعندن بر فعل، عيى ايله جرملرده اولديغنى مثللو، « سبب مجبر » دولاييسيله صوج ماهيتنى غائب ايدم. ايشته بوندن ناشيدر كه كنديسنك ويا اوينك ضررينه اوله رق طاش آتقى صورتيله ياپيلان بر تجاوزى ياخود وقوعندن قور قديغى محقق بر تعرضى دفع ايتك اوزره التده تفك ايله سوقاغه چيقان بر كيمسه نك اسلحه منوعه دن اولمايان سلاحلى طاشمق قباحثى (جزا قانونى - ماده 549) ايشله ديكنى وائلده شهادتنامه سى اولمادىغى حالده مستعجل وصيقيشيق وضعيتده بولنان بر كه يى دوغورتان قادينك دخى بر قباحث فعلنى ايقاع ايتمش اولديغنى فرض ايلك اقتضا ايتمز. شوراسى ده اونودولما مليدر كه يوقا ريده اشارت ايدليكمز وجهله قباحترده « حسن نيت » دن متولد معذرتلر شايان قبولدر [1]. مثلاً جزا قانوننك 395، 366 و 399 نجى ماده لرى حكملرى خارچنده بلدى نظاماتى ايله قباحث درجه سنده جزالانديرلمش خصوصاً نده تشيشتندن شبهه يه امكان بولونميه جق بر طرزده مغشوش مأكولاتى، موادى ساتون آلوب بالاآخره عيى ايله صاتان بر بقالك حسن نيتى ثابت اولونجه جزاء معاقب اولميه جنى بدييدر. انجق بر قباحث فعلنى ايقاع دولاييسيله اخلال ايديلن قانونك، نظامك اداره جه اوزون

[1] قباحترك سوبزه كتيّف عنصرى حقدنه ايتاليا تميز جزا محكمه سى قرارلرنده اطراد اولمديغى فقط فعل مادى نظريه سنك شدته تطبيق اولنديغنه دائر بر چوق حكملر موجود اولديغى و بونكه برابر « حسن نيت » دن منبعث معذرتك قبول اولونديغى وسوبزه كتيّف عنصرك تصور ايدليكى قباحترده قانونه مخالفت ايتديكى قناعتنك اثباتى صورتيله فاعله مسئوليتى رفع امكانك بخش ايدلمى لزومك تصرّح ايدليكى حالرك دخى غير موجود اولمديغى ايتاليا جزا قانونى شارحى پروفيسور مائنو طرفندن بيلدرلمكده در.

مدتدن بری تطبیق ایدلامکده اولسی ادعاسی - « قانونی بیلمامک معذرت صایلماز ، شکلنده اولان 44 نجی ماده قانونیه به مخالف اولدینی جهته - حسن نیتی اثباته کافی احوالدهن عد ایدیه مز . بعض مؤلفر ، حسن نیتدن متولد معذرت سبیلرینی تفصیل ایدرکن قباحتری اویره کتیف وسویره کتیف دیواییه تقسیم ایتمکده [1] وسویره کتیف قباحترده بو معذرتلرک دهافضله تأثیراتی حاوی اولسی لازم کلدیکنی درمیان ایتمکده در .

بوکا مقابل ، نتیجه اعتباریله بر ضرر ایقاع ایتک قصدینک بولونمامسینه رغماً جزالاندریلن قباحترده کیجه یاریسندن ایکی ساعت اولندن سوکرا ایشله مک کی زمان (جزا قانونی - ماده 546) ورجوق کیسه لک اجتماع ایدلیکی بر محله طولو سلاح طاشیمق کی محل (جزا قانوننده - ماده 250) واسلحه ممنوعه دن اولمایان سلاحلری طاشیمق کی فعلک بذاتها لیم اولسی کی (جزا قانونی - ماده 249) اسباب مشدده نک وعینی قباحتر آره سنده تکرر کیفیتک (جزا قانونی - ماده 244 و 512) نظر اعتباره آلنه جفی شبهه سز بولوب بورالرده حاکم اولان جهتک هپ فعلک ماده شدید ویاخفیف بر صورتده ایقاع ایدلسی ویا تکرار اولونسی اولوب بوخصوصلرده قصد اضرار نظرندن دور طوتلش دیمکدر .

شورایه قدار وبردیکمز ایضاحات ، جزا قانوننک 42 نجی ماده نک ایکنجی فقره سی ایله جزا قانوننک 60 نجی ماده سی آره سنده کی رابطه نی کوسترمک لازمدر . 60 نجی ماده قانونیه ؛ هرایکی فقره سنده اوچنجی شخصلرک قباحترده کی مسئولیتدن یعنی جرملرده هم فعلک واشتارک ایچون فعالانه بر مشارکت بولنق لازمه دن بولوندیغنه دائر اولان قاعده به ضمیمه ، قباحترده منفی فعللر ایچون موضوع مشترک مسئولیتدن وهم فعلک واشتارک حقنده کی احکام عادیه نی حدودندن ایلری به کورتورمسی اعتباری ایله مرحتی ده کیل بلکه

[1] « حسن نیت » دن متولد معذرت سبیلری حقنده اویره کتیف قباحترک سویره کتیف قباحترندن صورت تقریقه کنجه: بو باید بر قسطاس اولارق ایتالیان مؤلفرندن استویاتو « قباحتک بالذات موضوعی مثلا مواد ممنوعه صائیشی کی مادی اولدینی تقدیرده بوکا اویره کتیف قباحت ، قباحتک موضوعی مثلا ممنوع بر محله صائیش کیفیتی کی بالذات مخالفت ایدنه کیسه اولدینی تقدیرده بوکاده سویره کتیف قباحت » اسمنی ورمکده در .

شدنی متضمن اولان بر حکمدن بحث ایتکده در [1]. شو قادار که اولجه ذکر ی سبق ایدن قباحتلر ایله 60 نجی ماده قانونیهده موضوع بحث اولان قباحتلر آره سنده فرق واردر: بوفرق، اولجه موضوع بحث اولان قباحتلرک هیچ بر کیمسه یه تابع اولمایان فاعل طرفندن ایقاع ایدلسی و 60 نجی ماده قانونیهده ذکر ایدیلن قباحتلرک ایسه باشقه لرینک دائمی و یاموقت نفوذ و یا اداره یا خود نظارتی آلتنده بولنانلرک یعنی چو جوقلرک، ایشجیلرک، خدمتجیلرک و غارصونلرک (قانون مدنی ماده 348) ایشله دکلی قباحتلر بولونماید. بناءً علیه 60 نجی ماده نك تطبیقی ایچون قباحت ایله اخلال ایدیلن احکامه رعایت ایتدیرمکه مجبور بر کیمسه اولقی و ثانیاً قباحت ایشلیه نك بو کیمسه نك نفوذ و یا اداره یا خود نظارتی آلتنده بولونمق شرطدر. بوشرطلر، ایستر نفوذ و یا اداره یا خود نظارت ایله مکلف کیمسه نك اهلاندن حصوله کلن مسئولیتک ایستر کرک او کیمسه نك و کرک آلدینی امر اوزرینه فعلی ایشلیه نك مسئولیتک تعییننده اهمیتله نظر دفته آله جقدر.

الحاصل واضع قانون معلم و مربی کبی کیمسه لرک نظارتی آلتنده بولنانلر (طلبه، چو جوق) طرفندن یا پیلان قباحتلرده فاعلدن باشقه متبوع (معلم و مربی) حقنده دخی جزا تعیین ایتکده در. كذلك، وصی، خانه صاحبی، اوسته و پاترونلر حقنده دخی عینی صورته حرکت ایتکده در. شو قادار که متبوع حقنده جزائک تطبیقی ایدلسی ایچون اول امرده متبوعک یعنی مثلاً معلم و مربیلرک اجرایه مجبور اولدقلری دفت و کوسترمکه مکلف بولوندقلری بصیرنده کی اهلالرینک ثابت اولسی لازمدر. بناءً علیه ادعا طرفی، متبوعک اهلالتی اثبات ایله مکلفدر. چونکه فعلی منع ایتک امکانشزلفنی اثبات ایتک فاعله ترتب ایتمز. بورادن استخراجاً دیه بیلیرز که شاید مثلاً معلم و مربیلرک. نفو

[1] « 60 نجی ماده قانونیه، صوبه اشتراک قاعده لرندن تام معناسیله بر انحرافی افاده ایتمز. ندکه بسط بر اهلالتی بیله بر سبب جزا عد ایدیلن خصوصی ماهیتنه مستند آری بر مفهوم افاده ایدر، بو حکم، مادون طرفندن ایشله ن قباحتک مسئولیتی و جزاسنی خطا سبی ایله مافوقهده اسناد ایتدیره ن منفی بر اشتراک شکیلدر. شو قادار که 60 نجی ماده، خصوصی مجبوریتلری منحصرأ بر وظیفه، بر تشب و یا بر صنعتدن منبع مجبوریتلری قصد ایتکده در. یوقسه هرکسه شامل اولان احکامه آنجق جزا اهلالتک تعلق ایتدیکی شروط دائره سنده مخالفت ایدیله ییلن عمومی مجبوریتلری ده کیل ».

(ایتالیان جزا قانونی شرحی - مانیو)

ونظارت و اداره لری آلتنده بولونان کیمسه لر طرفندن بوکی قباحث فعللرینک ایقاع ایدلمه می ضمیمه هر درلو دقت و بصیرت صرف ایلدکلی و برکونه اهامل و تراخی کوستمدکلی آکلاشلدقده متبوعلرک جزادن وارسته قاله جقلری آشکاردر . شونی ده علاوه ایدلم که 60نجی ماده قانونیه، یوقاریده اشارت ایتدی کمزوجهله بوخصوصده حقوق بره نسپلردن برآز ایرلش کیدر . چونکه واضع قانونک متبوعی بو صورتله جزالاندیرمی، متبوعک تابع طرفندن یاسیلان فعل ممنوعک مسببی اوله رق ده کیل بلکه قانونه مخالف بر فعلک ایقاعنه دوغریدن دوغری به بادی اولمسندن ناشیدر . الحاصل صحیه نظامنامه سنه مخالف اوله رق علاج ویا قانونه مغایر اوله رق آناختار و مایمونحق (جزا قانونی - ماده 582 ویا جزا قانونک 574 نجی ماده سنده یازیلی شروط دائره سنده سرخوش ایدیجی ماده لر ساتان دکان و تورکیه ده قانوناً متداول مسکوکاتی مقنن قیمتلی ایله قبولدن امتناع ایدن (جزا قانونی - ماده 235) غارصونی استخدام ایلین غازیو و قرائتخانه صاحبلی بوقباحترلدن دولای غارصون ایله مشترکاً مسئول عد اولونمق لازمدر . کذلک ایجاب ایدن امرلی ویرمی اهامل ایدن و قطارلرک غیر منتظم بر صورتده تشکیاتی ویا تجربه ایدلمه مش و اغونلرک استعمالنی منع ایتمین دیره کتور دخی شو مهن دوفر ویا تراموا یلرک ایشلمسندن تولد ایده جک قباحترلدن مشترکاً مسئول اولور ، تعیر دیکرله بوقیل مؤسسانده کی ایشجیلرک آمرلی و دیره کتورلری صلاحیت و نفوذلرینک ضروری قیلدینی نظارت سایه سنده منعه مقتدر اوله بیله جکلری قباحترلرک معیتلری طرفندن ایشلمسی حالده جزاء معاقب اولورلر . آنجق نفوذ صاحبی یا خود اداره ویا نظارت ایله مکلف اولان کیمسه لر ، معیتلرنده چالیشانلرک یا لکز باشلرینه یا خود دائره رؤیت و اداره سی خارجنده ایشله دکلی قباحترلدن دولای جزائی معاقب اوله مازلر . مثلاً آرایه لرک بر سفر ائسانسندده معتاد اولمایان بر سرعت ایله سوقندن متولد صوچدن دولای تراموا ی قومپانه سی دیره کتوری جزائی معاقب اولماز . (جزا قانونی - ماده 455 و 729)

یوقاریده یازیلی اولان حکمک حکمت وضعی « مسلکی ویا یتقی مناسبتدن منبعث اولان امر آلتنده بولونمق کیفیتده مادون ایچون آمرک امریی قوتتول ایتک و اوامرک قانون احکامنه مخالف اوله جغنی بیلیمکده کی مشکلات ایله برابر امری ویرن کیمسه نک قانونده کی مجبوریتلره توفیق حرکت ایتش اولدینه دائر مادونک بسله دیکی محق اعتماددر .

فقط مافوقدن تلقی ایتدیکی امر اوزرینه قانونی مخالفتده بولنان مادون دخی اکر اوقباحتی صلاحیتدار مرجعک بر امر مخصوصی ویا اخطارینی اصفا ایتمهرك ایشله مش ایسه جزاء مسئول اولور . (جزا قانونی - ماده 60 ایکنجی فقره) چونکه اوزمان هیچ بر سبب معذرت قالماز .

وخصوصده صلاحیتدار مرجعک امر مخصوصی ویا اخطاری بولونمسی مافوقک امرنده کی قانونسزلنی مادون ایچون آشکار قیلمشدر . قباحث بونی بیلدیکی و امره اطاعت ایتمهك خصوصده صلاحیتدار مرجعک مظاهرتی ده حائز بولندینی حالده ینه اجرا ایدن کیسه ده در . صلاحیتدار مرجعک امر مخصوصه ویا اخطارینه کلنجه : بولنرك، مادونه امرک عدم مشروعیتنی بلا واسطه آکلاته حق ماهیتده برشی اولمسی لازم کله چکی شبهه سزدر . بو امر مخصوص ویا اخطار دائماً مؤخر اولاماز . کندیشی نظامنامه و قانونلرده مندرج قاعده لردن تفریق ایده جک بر شکل وشمولی اولق و معین بر فعلی منع ایده جک بر ماهیتده بولونمق شرطیله مقدم دخی اولابیلیر . [1]

بو بحثی انام ایدر کن شونی ده سوبلیه لم که جزا قانونسک 21 نجی ماده سی موجبجه « بر آتی تجاوز ایتمه جک وجهله خفیف حبسه محکوم ایدیلوبده مکرر لکی بولونمیان قادین و کوچوکلرک جزالریسک اوطوردقلری یرلرده چکدیرلمسی صادر اولان حکمده تصریح ایدلدیکی تقدیرده محکومک قوجاسی ویا ولی ووصیسندن یا خود حبس اولنه جفی خانه متصرف ویا مستأجرندن قانون حکمنک تمامی اجرایی ضمانتده تعهد نامه آلنه جفی و تعهدنامه آلمادجه مسکندمه انفاذ جزا جهته کیدیلهمیه چکی جزا قانونسک تطبیقنه متدائر قانونک 8 نجی ماده سی مفادندن بولونمسنه مبنی بو اوچنجی شخصلر ، مارالبیان قادین و کوچوکلرک جزالرینی چکمکده ایکن بر یره صاووشمالرینی تأمین ضمانتده لازم کلن تقید و نظارتی ایفاده تسبب ایدلکلری تقدیرده جزا قانونسک 60 نجی ماده سی حکمنه توفیقاً بو قادین و کوچوکلرک محکوم اولدقلری قباحث جزاسیله جزالاندیربله چقلردر .

آووقات : باهر

[I] یوقاریده یازیلی اولان پروفیسور ماینونک اثرندن .